

ըստ ավտոտրանսպորտային միջոցների խմբերի, ենթախմբերի, էկոլոգիական դասի, օգտագործվող վառելիքի տեսակի, ավտոտրանսպորտային միջոցի թողարկման տարեթվի և բանաձև գազերի չեզոքացման համակարգի առկայության՝ հետագայում ՀՀ-ում շահագործվող ավտոտրանսպորտային միջոցներից վնասակար նյութերի արտանետումների չափումները դյուրացնելու համար:

2. Համագործակցել ՀՀ բնապահպանության և ընդերքի տեսչական մարմնի հետ որպեսզի պատշաճ իրականացվի ՀՀ-ում շահագործվող ավտոտրանսպորտային միջոցներից վնասակար նյութերի արտանետումների չափումները բնապահպանական տեսուչի և ոստիկանության աշխատակցի միջոցով:

Հաշվեքննության օբյեկտների դեկլարանտի պատասխան

Տեսչական մարմին՝

Տեսչական մարմնի կողմից «Հաշվեքննիչ պալատի մասին» ՀՀ օրենքի 35-րդ հոդվածի 3-րդ մասով սահմանված 10 օրյա ժամկետում չի ներկայացվել առարկություններ և բացատրություններ՝ կազմված հաշվեքննության արձանագրությունում նշված անհամապատասխանությունների կամ խեղաթյուրումների, ինչպես նաև այլ տեղեկատվության վերաբերյալ:

ՀՀ բնապահպանության նախարարություն՝

ՀՀ բնապահպանության նախարարության կողմից այս կետի վերաբերյալ առարկություններ և բացատրություններ չեն ներկայացվել:

VI. ՏԵՍՈՒՉԻ ԿՈՂՄԻՑ ԶԵՆՔ ԿՐԵԼՈՒ ՊԱՐՏԱՎՈՐՈՒԹՅՈՒՆԸ

«Բնապահպանական վերահսկողության մասին» ՀՀ օրենքի 12-րդ հոդվածի 1-ին մասի ժա) կետով սահմանված է Տեսուչի՝ օրենքով սահմանված կարգով ծառայողական զենք, զինամթերք, ձեռնաշղթա պահելու, կրելու, օգտագործելու իրավասությունը:

«Բնապահպանական վերահսկողության մասին» ՀՀ օրենքի 17-րդ հոդվածի համաձայն Տեսուչին հատկացվում է ծառայողական զենք, որի տեսակը, ձևը, մոդելը և քանակը, ինչպես նաև զենք կրելու իրավունք ունեցող պաշտոնների անվանացանկը սահմանված է «Բնապահպանության և ընդերքի պետական տեսուչին հատկացվող զենքի տեսակը, ձևը, մոդելը և քանակը, ինչպես նաև զենք կրելու իրավունք ունեցող պաշտոնների անվանացանկը սահմանելու մասին» ՀՀ կառավարության 2005 թվականի դեկտեմբերի 9-ի N° 2242-Ն որոշմամբ:

Սույն որոշմամբ սահմանված է, որ 80 տեսուչների հատկացվում է թվով 89 ծառայողական զենք, այդ թվում՝ կարճ ակոսափող զենք, կենդանական աշխարհի օբյեկտների անշարժացման կամ ներարկումների համար կիրառվող զենք, գազային ատրճանակ կամ թմբուկավոր ռևոլվեր, ազդանշանային զենք, ակոսափող որսորդական հրացան, երկար ողորկափող զենք և այլն:

Փաստորեն, օրենսդրական ամրագրումից կարելի է ենթադրել, որ Տեսուչների աշխատանքի արդյունավետությունը կբարձրանա ծառայողական զենքի առկայության պայմաններում և դա պատահական չէ, քանի որ Տեսչական մարմնի գործառույթներն այնպիսին

են, որ պարունակում են որոշակի ռիսկայնություն և վրանգավորություն: Տեսուչները վերահսկողական աշխատանքների ընթացքում պարբերաբար առնչվում են իրավախախտ, օրինազանց քաղաքացիների հետ, իսկ երբեմն նաև վայրի կենդանիների հետ, ինչի պայմաններում, օրինակ, կենդանական աշխարհի օբյեկտների անշարժացման կամ ներարկումների համար կիրառվող զենքի առկայությունը անհրաժեշտություն է:

«Բնապահպանական վերահսկողության մասին» ՀՀ օրենքի 19-րդ հոդվածի 1-ին մասի ա) և բ) կետերով սահմանվում է Տեսուչի կողմից զենքի գործադրման պայմանները, այն է՝ իր կամ այլ անձի վրա զինված հարձակումը կանխելու, կասեցնելու համար, եթե առկա է նրանց կյանքին կամ առողջությանն սպառնացող իրական վտանգ, ինչպես նաև զենքի հափշտակման փորձը կանխելու, կասեցնելու համար: «Բնապահպանական վերահսկողության մասին» ՀՀ օրենքի 20-րդ հոդվածի 1-ին և 5-րդ մասերի համաձայն նախքան ֆիզիկական ուժի, հատուկ միջոցների և զենքի օգտագործման իրավասություն ստանալը, իսկ այնուհետ՝ պարբերաբար,

Տեսուչները պետք է պարբերաբար հրազենի գործադրման անհրաժեշտություն առաջացնող իրադրություններում գործելու՝ իրենց պիտանիությունը որոշող պատրաստության ստուգումներ անցնեն ՀՀ ոստիկանությունում, ինչի համար պետք է կնքել համապատասխան պայմանագիր ՀՀ ոստիկանության հետ

Տեսուչը սահմանված կարգով անցնում է հատուկ պատրաստության ստուգումներ, որի անցկացման կարգը սահմանվում է «Ձենքի մասին» ՀՀ օրենքով: «Ձենքի մասին» ՀՀ օրենքի 12-րդ հոդվածի համաձայն զենք ձեռք բերելու օրվանից երկշաբաթյա ժամկետում զենքը պետք է գրանցվի ՀՀ ոստիկանությունում: Գրանցման ժամանակ զենքի ձեռքբերման օրինականությունը հաստատող փաստաթղթերի հիման վրա հատուկ կանոնադրական խնդիրներ իրականացնող իրավաբանական անձանց տրվում է զենք պահելու և օգտագործելու թույլտվություն՝ երեք տարի ժամանակով:

Հատուկ կանոնադրական խնդիրներ իրականացնող իրավաբանական անձանց աշխատողներին զենքը տրվում է իրավաբանական անձի ղեկավարի գրավոր հրամանով, եթե այդ աշխատողներն անցել են հատուկ պատրաստություն և ՀՀ ոստիկանությունից ստացել

զենք պահելու ու կրելու թույլտվություն: Այդ աշխատողները պարտավոր են պարբերաբար անցնել հրազենի գործադրման անհրաժեշտություն առաջացնող իրադրություններում գործելու՝ իրենց պիտանիությունը որոշող ստուգումներ: Նշված աշխատողների հատուկ պատրաստությունն իրականացնում է ՀՀ ոստիկանությունը՝ պայմանագրային հիմունքներով: Հատուկ պատրաստության ծրագիրը և ստուգումներ անցկացնելու կարգը սահմանում է ՀՀ ոստիկանությունը:

Փաստորեն Տեսուչները պետք է պարբերաբար հրազենի գործադրման անհրաժեշտություն առաջացնող իրադրություններում գործելու՝ իրենց պիտանիությունը որոշող պատրաստության ստուգումներ անցնեն ՀՀ ոստիկանությունում, ինչի համար պետք է կնքել համապատասխան պայմանագիր ՀՀ ոստիկանության հետ:

Հաշվեքննության արդյունքում պարզվեց, որ ոչ բոլոր Տեսուչներն ունեն սահմանված կարգով զենք, հետևաբար, վերոնշյալի վերաբերյալ պարզաբանում պահանջվեց Տեսչական մարմնից:

Տեսուչներից միայն մի քանիսն ունեն զենք, որը ստացել են դեռևս ՀՀ բնապահպանության նախարարության բնապահպանական տեսչության աշխատակից լինելու ժամանակ՝ այն էլ 5 տարի ժամկետով, (երբ օրենքով թույլտվություն կարող է տրվել միայն 3 տարով): Նոր ստեղծված Տեսչական մարմնի ղեկավարի հրամանով տեսչական կազմին զենք չի հատկացվել և նոր թույլտվություններ չեն տրվել:

Տեսչական մարմինը 2018թ.-ի նոյեմբերի 27-ի 111/132/1332-18 գրությամբ տեղեկացրել է, որ «Բնապահպանության և ընդերքի պետական տեսուչին հատկացվող զենքի տեսակը, ձևը, մոդելը և քանակը, ինչպես նաև զենք կրելու իրավունք ունեցող պաշտոնների անվանացանկը սահմանելու մասին» ՀՀ կառավարության 2005 թվականի դեկտեմբերի 9-ի N° 2242-Ն որոշմամբ զենք կրելու իրավունք ունեցող պաշտոնների անվանացանկը չի համապատասխանում Բնապահպանության և ընդերքի տեսչական մարմնի կառուցվածքում գործող պաշտոնների անվանացանկին: Այնուամենայնիվ, Տեսուչներից միայն մի քանիսն ունեն զենք, որը ստացել են դեռևս ՀՀ բնապահպանության նախարարության բնապահպանական տեսչության աշխատակից լինելու ժամանակ՝ այն էլ 5 տարի ժամկետով, (երբ օրենքով թույլտվություն կարող է տրվել միայն 3 տարով): Նոր ստեղծված Տեսչական

մարմնի ղեկավարի հրամանով տեսչական կազմին զենք չի հատկացվել և նոր թույլտվություններ չեն տրվել:

«Զենքի մասին» ՀՀ օրենքի 26-րդ հոդվածի համաձայն 1-ին մասի համաձայն զենք ձեռք բերելու, պահելու, կրելու թույլտվություններն ուժը կորցրած են ճանաչվում, եթե լուծարվել է իրավաբանական անձը: Իսկ նույն օրենքի 4-րդ հոդվածի համաձայն ձեռնարկությունները, հիմնարկները և կազմակերպությունները, որոնց վրա օրենսդրությամբ դրված են այնպիսի գործառնություններ, որոնք կապված են ծառայողական զենք օգտագործելու կամ գործադրելու հետ, համարվում են հատուկ կանոնադրական խնդիրներ իրականացնող իրավաբանական անձինք: ՀՀ կառավարության 2017 թվականի ապրիլի 27-ի N° 445-Ն որոշման 14-րդ կետի (սույն կետը ուժի մեջ է մտել 2017թ. օգոստոսի 20-ից) համաձայն ՀՀ բնապահպանության

ՀՀ բնապահպանության նախարարության աշխատակազմի բնապահպանական պետական տեսչության այն աշխատակիցները, որոնք ունեն սահմանված կարգով ստացված զենք օգտագործելու կամ գործադրելու թույլտվություն, պարտավոր էին դրանք հանձնել ՀՀ ոստիկանություն

նախարարության աշխատակազմի բնապահպանական պետական տեսչությունը լուծարվել է և այդ կապակցությամբ ուժը կորցրած է ճանաչվել ՀՀ կառավարության 2002 թվականի հուլիսի 25-ի «ՀՀ բնապահպանության նախարարության աշխատակազմի բնապահպանական պետական տեսչության կանոնադրությունը և կառուցվածքը հաստատելու մասին» N° 1149-Ն որոշումը: